

萬 有 文 庫

第 二 集 七 百 種

王 雲 五 主 編

宋 朝 事 實

(上)

李 攸 撰

商 務 印 書 館 發 行

臣等謹案。宋朝事實。宋李攸撰。文獻通攷作李伋。傳寫誤也。攸字好德。陳振孫書錄解題稱其官爲承議郎。而不詳其里貫。惟永樂大典所載江陽譜稱攸于政和初編輯西山圖經九域志等書。瀘帥孫義叟招之。書上轉一官。張浚入朝約與俱。以家事辭。攷江陽卽瀘州屬潼川路。則攸當爲瀘州人。其曰張浚入朝。蓋紹興四年浚自川陝宣撫使召還時也。其書據江陽譜。蓋上起建隆。下迄宣和。凡六十卷。前三十卷。先聞于時。後以餘三十卷上之。以語觸秦檜。寢其書不報。故晁公武讀書志。陳振孫書錄解題。但作三十卷。與譜相合。而趙希弁讀書附志。宋史藝文志。乃俱作三十五卷。今書中有紹興乾道間州縣陞降。淳熙紹熙間館職員額。及光寧理度四朝神御殿名。殆爲後人所附益歟。攸熟于掌故。經靖康兵燹之後。圖籍散佚。獨汲汲搜輯舊聞。使一代典章。粲然具備。其用力頗爲勤摯。所載歷朝登極南郊大赦詔令。太宗親製趙普碑銘。西京崇福宮記。景靈西宮記。大晟樂記。往往爲宋文鑑名臣碑傳琬琰集。播芳大全。文粹。諸書所闕漏。至其事蹟之異同。年月之先後。紀載之詳略。尤多可與東都事略。文獻通攷。續通鑑長編。及宋史。互相參訂。又如石晉賂契丹十六州。分代北。山前山後。足訂薛歐二家五代史稱山後十六州之誤。周世宗兵下三關。並載淤口關。亦足補薛歐二史。祇載瓦橋益津二關之闕。當時如江少虞事實類苑。錦繡萬花谷。多引之。宋史亦多採用其文。今各書俱存。猶可攷見。第原本久佚。惟散見于永樂大典各韻下者。尙存梗概。而割裂煩碎。莫由攷見。

其體例。惟趙希弁讀書附志。具載門目。今以所存者攷之。惟爵邑一門。原本全佚。餘皆可以一分類編次。謹依舊目。釐爲二十卷。雖未能悉復原書。而綱舉目從。咸歸條貫。亦得其十之七八矣。攸別有通今集二十卷。宋史藝文志入故事類。今佚不傳。又嘗上書秦檜。戒以居寵思危。尤爲侃侃不阿。則其人亦足重。不獨以博洽見長矣。乾隆四十一年十一月恭校上。

總纂官侍讀學士臣陸錫熊

侍講學士臣紀昀

纂修官國子監助教銜臣張義年

宋朝事實目錄

卷一

祖宗世次

卷二

登極赦

紀元

卷三

詔書

聖學

御製

卷四

郊赦一

卷五

郊赦二

卷六

廟制

宋朝事實目錄

卷七

道釋

卷八

玉牒

公主

卷九

官職

勳臣

配享

卷十

宰執拜罷

卷十一

儀注一

卷十二

儀注二

卷十三

儀注三

卷十四

科目

樂律

歷象

卷十五

藉田

財用

卷十六

兵刑

卷十七

削平僭偽

卷十八

陞降州縣一

卷十九

陞降州縣二

卷二十

經略幽燕

宋朝事實目錄

宋朝事實卷一

祖宗世次

僖祖諱眺

〔原註〕土了切

篠眺眺越窀

〔原註〕大中祥符五年七月真宗謂宰相曰僖祖廟諱本是上聲近見臣僚章疏多避去聲更令兩制詳定晁迥等謂僖祖諱字從月從兆按說文曰晦而月見西方也音土了切又從肉祭肉也

土了切一作他凋切今請止從平聲又眺目不正也他弔切音義各異望不迴避奉聖旨依〔案〕四祖廟諱南宋以祧廟不避故淳熙重修文書式不載釋文互注韻略亦然攸南宋人猶載嫌名蓋以存故實耳

仕後唐歷永清文安幽

都三縣令十二月七日崩葬欽陵

〔原註〕幽州

建隆元年追尊文獻皇帝

〔案〕元年原本誤作二年今據李燾長編改正

大中祥符五年加上

文獻睿和皇帝大觀元年再加上立道肇基積德起功懿文憲武睿和至孝皇帝樂舞大善之舞冬至祀昊天上帝夏至祀皇地祇升侑后崔氏建隆元年追諡文懿翰林學士禮部侍郎竇儼議行見于外曰懿

子順祖

順祖諱珽

〔原註〕他鼎切

玎脰倕頊町孚苧程倕頊塤颯釘蜓葶閏灑孛鋌鯁仕歷藩鎮從事御史中丞正月

二十五日崩葬康陵

〔原註〕幽州

建隆元年追尊惠元皇帝大中祥符五年加上惠元睿明皇帝樂舞大寧之

舞。上辛祈穀。孟冬祭神州地祇。升佑后桑氏。建隆元年。追諡惠明翰林學士禮部侍郎竇儼議。容儀恭美。曰明子翼祖。

翼祖諱敬。

〔原註〕居慶切。

竟鏡獍。瞰瞰。仕歷營薊涿三州刺史。周顯德中。贈左驍衛上將軍。四月十二日崩。葬靖

陵。〔原註〕始曰定陵。乾興元年。改卜更陵名。自國初加上四祖陵名。欽陵。康陵。定陵。並幽州。惟安陵。舊在京城東南隅。及改卜葬安陵。後三陵尙未修奉。眞宗卽位。有言順祖翼祖保州者。詔內侍與長吏同共詢訪。又令中書門下定議。遂迎奉至京師。安于佛寺。景

德元年。將卜改葬。十月降手詔曰。康陵定陵。已經迎奉。將議修崇國家事。祖宗之尊。以闈陵爲大。始自開國之際。首行議禮之文。尋建陵名。尙虛神寢。而有司懇拜章表。而述聽聞。有此二陵。尙居清苑。朕以事關宗廟。理合審詳。周詢輔弼之臣。旁采中外之議。而宰相上表。亦曰。素所聞知。與人之談。皆云。盡有摭據。朕以爲更須重慎。宜廣諮詢。至于命中使。以經營。委藩侯。而訪察。繼觀來奏。執曰。無疑。復俾大臣。再陳定議。遂有迎奉之請。用慰追遠之情。旣觀僉同。因從典禮。遷之梵刹。營乃山陵。今則安厝有期。儀制將舉。朕每從餘暇。常閱羣書。因覽太祖實錄。明載二陵所在。又皆不指保州。疑慮之間。夙夜增念。雖朝廷之議。延訪無嫌。而信史之文。標載有異。況陵寢之事。朝廷之儀。舉而行之。無大于此。宜令中書門下與樞密院同共詳定。聞奏。中書門下樞密院上言。伏以尊崇祖禰。務極孝思。營奉陵園。必尊典制。向者。始基王業。首舉徽章。欲行四廟之儀。尋建諸陵之號。雖未崇于兆域。已備載于冊書。向以職司。連上章表。述其聞見。頗陳懇激之言。詢以宰司。亦有僉同之議。羣論旣從。子採納。宸衷過務。于審詳。特選使臣。仍委牧守。式資審慎。密往詢求。尋訪之間。皆有依據。敷陳之際。頗謂周詳。大臣之奏如初。與人之誦允屬。矧重熙之肇啓。當大孝之丕承。遂伸迎奉之儀。將行安厝之禮。陛下爰因暇日。徧閱羣書。視信史之所標。指瑩域之有異。誠如聖慮。更切參詳。事繫宗祧。尤宜重慎。臣等共議其迎到神寢。向期卜葬。卽望權停。所有二陵。伏請量加營繕。務從儉約。倍節煩勞。葬以衣冠。設其園寢。用伸朝拜之禮。以慰尊祖之懷。徐俟辨明。別期遷奉。庶不違于古道。且頗協于人情。狂瞽之言。仰期聖擇。奉詔。康陵定陵。宜令藍繼宗罷修。其迎到神柩。遂以一品禮葬於河南縣爲二位。大中祥符四年正月。車駕幸汾陰。次西京。遣

知制誥錢惟演詣一品墳以香幣酒脯祭告每朝拜諸陵日以少牢致祭建隆元年追尊簡恭皇帝大中祥符五年加上簡恭睿德皇帝樂舞大順之

舞〔案〕大順原本誤作大善今據宋史樂志改正大雩祀升佑后劉氏父正平州刺史初追封京兆郡太夫人建隆元年追諡簡穆翰

林學士禮部侍郎竇儼議布德執義曰穆子宣祖

宣祖諱弘殷

〔原註〕上一字胡眩下一字於斤切政和元年九月二十七日敕宣祖皇帝廟諱下一字民姓有犯者今擬作商字尙恐士庶難曉檢准武王克商封夏后氏之後于杞封殷之後于宋合改殷之字爲商

愍灑殷殷

灑〔案〕宣祖廟諱上一字

嫌名永樂大典原本缺

仕晉爲龍捷左廂都指揮使岳州防禦使顯德三年

〔案〕宋史宣祖于顯德三年督軍平揚州累官檢校司徒天水縣男卒贈

武清軍節度使原〔原註〕乾德元年改卜皇堂深五十七尺高三十九尺陵臺

本作元年今改正贈武清軍節度使七月二十六日崩葬安陵

〔原註〕乾德元年改卜皇堂深五十七尺高三十九尺陵臺三層正下方層每面長九十尺南神門至乳臺鵠臺皆九十

五步乳臺高二十五尺鵠臺增四尺神牆高九尺五寸周迴四百六十步各置神門角闕景德初析鞏縣偃師緱氏登封縣地置縣曰永安以奉陵寢三年七月詔曰列聖在天因時永感瞻言陵域肇建官司咨爾朝闕之臣仍兼宰邑之務式嚴崇奉用著典彝宜以殿中丞黃昭度知陵臺令兼永安縣事置令自此始乾德三年九月太祖命內人安陵送寒衣遂爲定式自是寒食亦往開寶九年三月帝親謁安陵奠獻號慟崇寧元年六月十四日敕中書省尙書省送到兵部二狀荆湖北路轉運司狀據鼎州申契勘本州龍陽有永安驛及永安鋪各與陵名相犯永安驛合行改爲龍潭驛永安鋪改爲龍潭鋪名目申候指揮奉聖旨依如諸處更有如此者並仰一面改正內太常寺供到陵名下項永安陵永昌陵永熙陵以上係永昌院永定院永昭陵永厚陵以上係昭孝禪院永裕陵永泰陵以上係寧院

禪院

建隆元年追尊昭武皇帝大中祥符五年加上昭武睿聖皇帝樂舞大慶之舞大饗明堂感生赤帝

升侑。〔原註〕國初有司上言國家受周禪。周木德。木生火。皇朝運應火德。色尚赤。臘以戊日祀赤帝為感生帝。景靈宮天元殿。奉安御容。后杜氏。父爽。贈中書令。周顯德

中。封南陽郡太夫人。建隆元年。有司請上尊號曰皇太后。〔原註〕有司上言。伏以王者立顯親之殿。所以尊母儀。開長樂之宮。所以伸子道。稽諸歷代。實有彝章。伏惟帝母南陽郡

太夫人。象叶陰靈。功深厚載。塗山助夏。道冠于三王。文母與周。名存乎十亂。徽號未正。闕執甚焉。謹按漢書。帝祖母曰太皇

太后。帝母曰皇太后。陛下膺圖資始。孝治攸先。宜彰墜鷲之祥。式表躍龍之貴。伏請上尊號曰皇太后。詔恭依未行册禮。

二年六月

月二日崩。諡明憲。太常少卿馮吉議。照臨四方曰明。聖善同達曰憲。乾德二年。改諡昭憲。〔原註〕二年。改卜安陵。吏部尚書張

昭。上言。伏自漢魏以來。追尊帝后。多以兩字為諡。后諡上一字。皆與帝諡上字同。國朝追尊四親廟。

子太祖太宗。

自翼祖而上三廟。后諡上一字。並與帝諡同。惟明憲皇后不連昭字。伏請改上尊諡曰昭憲皇后。

太祖諱匡胤。〔原註〕上一字去王。切下一字羊音切。筐。郈。眶。恒。劬。涯。蹶。距。蛭。萑。輒。頤。眶。閭。脬。迂。軫。鞞。鞞。引。剔。劓。輶。酌。斂。洿。

輶。輶。杓。螾。櫛。後唐天成二年丁亥歲二月十六日。生于西京大內甲馬營。以其日為長春節。仕周為歸

德軍節度使。〔原註〕唐宋州。後唐改為歸德軍。帝由此受命。景德三年。升應天府。大中祥符七年。升南京。殿前都點檢。顯德七年正月四日。受周禪。乾德元年十

一月。上尊號曰應天廣運仁聖文武至德皇帝。開寶元年十一月。加上尊號曰應天廣運聖文神武明道

至德仁孝皇帝。開寶九年十月二十日崩。太平興國二年四月十五日。葬河南府鞏縣永昌陵。〔原註〕宰臣薛居正撰陵

薛居正撰陵

名太祖生于洛陽甲馬營樂其風土國初遣營繕宮室有遷都之志開寶九年西幸郊祀既至而宮殿宿衛者多不安處宮中或見怪異又霖雨彌月芻粟不集遂東歸歎曰朕生不得居此死當葬于此還謁安陵哭奠畢更衣登闕臺西北向慷慨涕數行下發鳴鏑中其所當葬此

曰我後

大中祥符元年歲次戊申十一月戊午朔二十七日甲申孝子嗣皇帝臣某謹再拜稽首上言臣聞長發其祥流芳于商頌克昌厥後播美于周詩慶以積善而綿長祖以有功而不顯純熙之祉烏奕無疆由資始于景靈爰錫羨于來裔是以允升岱社祇薦牲瑄式昭嚴配之儀恭率追崇之典聿隆皇運仰屬玄猷伏惟太祖英武聖文神德皇帝奮武開階膺圖構象神機天縱睿斷颺馳當建極以居尊乃卜年而垂裕靈旗直指革輅親征多壘削平中區大定烝黎以之富壽寰海于是混同禮樂交修梯航畢至倒干戈而弗用肅刑政以惟清推恩雨施于萬方發號風行于四表成功不幸至德無踰時格太平民用丕變盡垂鴻之經制資奕世之宏規遺烈具存信書攸紀臣猥以冲眇逮茲纂承履大寶之尊奉神器之重寤寐思治旰晷忘勞動循燕翼之謀克致治平之化屬兵鋒載戢年穀順成琛賫來庭邊防罷警仰昊穹之敷佑繫宗社之儲休景貺薦臻寶符載錫將伸昭報祇事禋燔而民庶相趨表章狎至願遵時邁固請升中勉徇輿情用成先志靈辰協吉愆祀允修罄誠明之心禱蒼黔之福上封喬嶽既畢于增高歸格太宮敢忘于尊祖粵若應期之康濟創業之艱難底績之基扃歸厚之風化垂于不朽可得而言欽奉威靈重揚徽懿謹遣攝太尉推忠協謀同德佐理功臣金紫光祿大夫工部尚書同中書門下平章事集賢殿

大學士監修國史上柱國太原郡開國公食邑三千七百戶食實封一千八百戶臣王旦奉寶冊謹加上尊諡太祖啓運立極英武睿文神德聖功至明大孝皇帝恭惟本仁觀德宗廟載嚴致孝因心簡冊增耀在天降鑒錫祚有孚眷祐後昆永永無極謹言參知政事馮拯撰樂舞大定之舞冬至祀昊天上帝升佑

〔原註〕景祐二年太常禮院奏准今月三日詔書敕中書門下王者奉宗廟貴功德禮天祀地則有侑神作主之尊審禘合食則有百世不遷之重朕以寡薄獲承天序實賴先烈訖臻治平懼不能揚祖宗之休不顯懿鑠夙夜惟念弗遑寧居恭以太祖皇帝奮淳耀之精輯樂推之俗五代屯否中華剖裂天威一震罔不率俾夷僭黜暴皇綱再張革其桀驚納諸軌度規模宏遠詒萬世法太宗皇帝躬上聖之資乃膺繼服來闔粵復汾管方夏一統尉候萬里興文教拔羣材思皇政經憂勞庶務惠澤漸漬浹人骨髓眞宗皇帝欽明孝熙恢績鴻緒勤儉以率下哀矜以慎刑撫和三邊兵不復用民靡知役物遂其生因時昭泰遠考古章登封巡祭聲明焯燿享國多載仁恩溥博昔商周之際則長發大禘嚴父配天逮於漢氏亦能尊二宗立廟樂朕甚慕之肆我藝祖之受天命建大業可謂有功矣二聖繼統重熙累洽可謂有德矣其令禮官稽按典籍辨崇配之序二祧之位中書門下審加詳閱稱朕意焉故茲詔示想宜知悉奉詔如前臣等言王者建廟祔之嚴合昭穆之綴祖一而已始受命也宗無豫數待有德也由宗而變世胄之疏戚以爲迭毀之制使後嗣雖有顯揚喪大猶不得與祖宗並列所以一統古之道也皇帝陛下躬孝治發德音永惟三后之盛烈際天接地而推奉之禮有所未稱明發悼懼圖惟厥衷使攸司得稽舊章開羣議據懿鑠闡孫謀將昭合靈心垂榮無極非臣等孤陋所能及也竊以太祖皇帝誕受寶命付畀四海鋪敦變伐潛黜不端夷澤潏之畔兼淮海之味東焚吳輿右因蜀壘湘楚閩禹請吏入朝當此之時天下之人去久潛蒙更生永年長世不闡洪業太宗皇帝敦受大業廣運大武襲天之討底定太原由是審九刑之辟藝四方之貢信賞類能重食勸功官無煩苛人無恫怨又引摯紳諸儒講道興學炳然右文與三代同風眞宗皇帝乾粹日照執競惟烈重威撫和休寧北方順紀布度先天作聖遂攷夏諺稽虞巡祕牒岱宗休兵異壤翕受瑞福普浸黎元宵翹蠕動罔有不寧百度已備眷受明辟洪惟一祖二宗之烈歷考墳誥未有高焉者也昔成湯爲

商之祖漢孝文武特崇兩廟皆子孫奉承不輟我皇伯祖經綸草昧遂有天下功宜爲帝者之祖皇祖勤勞制作皇考財成治定德宜爲帝者之宗三廟並萬世不遷宣布天下以示後世臣等請如聖詔至升侑上帝哀對先烈本之周道克厭典禮昔太宗親郊奉宣祖太祖配焉逮眞宗肇祀奉太祖太宗配焉自爾有司不敢輕議今二宗同躋不祧之位則禮無異等伏請自今以往太祖爲定配二宗爲迭配稱情適事理實無嫌其將來皇帝親祀伏請以三祖皆侑上顯對越之盛次申遙追之感聖人之能事羣臣之大願此後迭配還如前議昔眞宗登介丘降社首並以太祖太宗崇配天地此三聖皆侑之明準其歲時常祀則至日圜丘仲夏地祇配以太祖孟春祈穀夏零祀冬祀神州配以太宗孟春感生帝配以宣祖季秋大饗配以眞宗伏請皆如禮便陛下重宗祧之事昭鑒前載抑畏虔恭讓而不專故令臣等得申愚管謹用敷罄惟聖心裁覽奉敕恭依

景靈宮皇武殿揚州建隆寺西京會聖宮應天院滁州天慶觀南京鴻慶宮奉安御

容后賀氏父景思右千牛衛率府率晉開運初來歸周顯德中封會稽郡夫人生燕王德昭魏國魯國二

大長公主顯德五年正月三日崩建隆三年追冊爲皇后乾德二年諡孝惠陪葬安陵〔案〕宋史孝惠皇后神宗時升祔太廟此失載

祔祭后廟王氏父饒彰德軍節度使周顯德五年來歸六年賜冠帔封琅邪郡夫人建隆元年八月冊爲

皇后生皇子皇女二人皆早世乾德元年十二月七日崩諡孝明陪葬安陵祔祭后廟太平興國二年升

祔太祖室宋氏父偓左衛上將軍邢國公乾德六年入宮爲皇后太宗卽位號開寶皇后太平興國二年

居西宮雍熙四年移東宮至道元年四月二十八日崩翰林學士宋白議慈愛忘勞曰孝溫克令儀曰章

升祔太祖廟〔案〕東都事略開寶皇后至神宗時升祔太祖廟此失載

太宗諱炁

〔原註〕古週切

頰炯餉颯洞穎耿昇罍蝟頰吞鑿肩憬晶舊諱光義匡義

〔原註〕開寶九年十月詔官階及州縣名有與朕名下一字同者宜改與

上字字同者仍舊乃以諫議大夫爲正諫大夫正議大夫爲正奉大夫通議大夫爲通奉大夫朝議大夫爲朝奉大夫承議郎爲承直郎奉議郎爲奉直郎宣議郎爲宣奉郎太平興國二年二月詔曰王者對越上天祇見九廟凡遇祭告必署名稱稽歷代之舊章貴難知而易避爰遵故事載易嘉名凡在庶寮當體茲意朕今改名炁自臨御以來除已改州縣散官職事官名號及人名外其舊名二字今後不須迴避仍令擇日奏告天地宗廟大中祥符二年六月詔曰太宗藩諱溥率咸知雖先訓之具存俾臨文而不避近觀列奏或犯二名聞之矍然載增永慕自今中外文字有與二字相連及音同者並令迴避

晉天福四年己亥十月七日生於開封府浚儀縣崇德坊護聖營之官

舍以其日爲乾明節淳化三年改爲壽寧節建隆元年爲殿前都虞候陸州防禦使八月領泰寧軍節度使二月七日加同中書門下平章事開封尹乾德二年六月加中書令開寶六年九月封晉王九年十月

二十一日遂卽尊位

〔案〕太宗以開寶九年十月二十一日卽位原本誤作二月二十一日今據宋史改正

太平興國三年羣臣上尊號應運統天睿文英武

大聖至明廣孝皇帝端拱二年詔曰朕嘗覽羣書備觀前古居尊之號近代方行固非軒昊之令猷且異唐虞之舊典載惟涼德尤愧前王浮實之名非所宜稱向者羣后同詞封章見請虔懇斯至避讓無由勉從將順之心遂極尊崇之號每一念此深用慙然豈敢以謙德自私必將以古道爲法其自前所加尊號並宜省去今後四方上表只稱皇帝庶叶至公翌日宰相呂蒙正等奏事長春殿進曰陛下神功聖德輝

映古今在于尊稱。止可增益。忽奉詔旨省去。中外無不驚駭。帝曰。至如皇帝二字。亦不可兼稱。此起自秦始皇。後代因之不改。朕比欲復止稱王。又以諸子封王。有所妨礙。朕志先定。勿煩確奏。其後羣臣累上尊號曰。法天崇道文武皇帝。詔除文武二字外。宜依至道三年三月二十九日崩葬河南府永安縣永熙陵。

〔原註〕宰相呂端讓陵名。

大中祥符元年歲次戊申十一月戊午朔二十七日甲申。孝子嗣皇帝臣某謹再拜稽首上言。臣聞應期受命。聖人所以致太平。卜世其昌。上帝所以祚明德。然則升中昭事。既報本于圓方。順美歸尊。當增華于簡冊。伏惟太宗神功聖德文武皇帝。元功不宰。妙用無方。若唐堯之聖神。有周公之材藝。在朱邸也。懸象集連珠之慶。紹寶歷也。長江出瑞石之文。閩越于是來同。并汾以之盪定。若乃揚庭以選士。闢館以育材。得人而致治也。集河洛之圖書。闡周孔之經籍。用文以立教也。授律以貞師。取威而禁暴。經武以定功也。審官以攷績。議獄以緩刑。信賞而慎罰也。既而講三王之禮。備六代之樂。躬肆類以享帝。尊二祖以配天。人神感通。上下交泰。和氣充塞。德澤涵濡。百靈效祥。溢圖牒之所記。九譯來貢。超載籍之所聞。然猶旰食勵精。實行慈儉。除宮室之藻飾。絕弋獵之嬉遊。省去名稱。抑罷封禪。積德深厚。垂慶縣長。俾臣薄祐。嗣膺不錫。守位一紀。率工咸懷。疊委禎符。屢惟稔歲。徇黎庶之確請。循虞夏之舊章。告成介丘。昭紀大號。奉揚前烈。傳之無窮。而陟配方嚴。鴻名未稱。敢不周爰古道。侔揣大猷。上以協神祇之心。下以伸臣

子之志。再章節惠。永播英聲。謹遣攝太尉推忠協謀同德佐理功臣金紫光祿大夫工部尚書同中書門下平章事集賢殿大學士監修國史上柱國太原郡開國公食邑三千七百戶食實封一千八百戶臣王旦。〔案〕實封一千八百戶。原本誤作二千五百戶。考王旦實封戶于大中祥符元年。遣祭太祖文已載明。與長編同。今改正。奉寶冊。加上尊諡。太宗至仁應道神功聖德文武大明。

廣孝皇帝。恭惟至神。俯歆令典。延休萬葉。介福兆人。謹言樂舞大盛之舞。〔案〕長編分注云。太宗廟。未見樂舞名。當檢此作大盛。與宋史樂志合。祈

穀雩祀神州地祇。升佑景靈宮。大定殿。西京應天院。崇福宮。會聖宮。奉安御容。后尹氏。父廷勛。滁州刺史。

太平興國元年。追尊爲皇后。諡淑德。〔案〕宋史淑德皇后。太宗在周時娶焉。早薨。葬孝明陵西北。享於別廟。後升祔太廟。不詳年代。攷文昌雜錄。元豐癸亥。以詳定禮文所言。七月十二日。升祔淑德皇后於太宗

室。此失載。太常少卿馮永錫。議言行不回。曰淑。富貴好禮。曰德。符氏。父彥卿。魏王周顯德中來歸。國初封汝南

郡夫人。進楚國。越國。開寶八年。十二月十九日薨。太平興國元年。追冊爲皇后。諡懿德。太常卿張永錫。議

〔案〕追諡后尹氏符氏。同在太平興國元年。而太常議諡者。一作少卿馮永錫。一作太常卿張永錫。未知孰是。東都事略。李燾長編。及宋史。俱無可考。姑仍其舊。溫柔聖善。曰懿。富貴好禮。曰德。陪葬安陵。

升祔太廟。太宗室。李氏。父處耘。淄州刺史。開寶末。納幣。太平興國二年七月。入宮。雍熙元年十二月十七日。立爲皇后。至道三年四月八日。尊爲皇太后。景德元年三月十五日崩。諡明德。吏部侍郎郭贊。議無幽